



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77 հեռ. 010 51-29-53 էլ. hsaugt patrol-service@police.am

N 01/2934

<< 02 >> 03 2022թ.

Նարեկ Համբարյանին
Ք.Երևան Ռոմանոս Մելիքյան 100

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում 8180107859 վարչական ակտն անփոփոխ, իսկ վարչական բողոքն առանց բավարարման թողնելու մասին որոշումը:

Առդիր՝ << 3 >> թերթ:

Պետ,
ոստիկանության գնդապետ՝

Ա.Ումրշատյան

Կատ. Ս.Ավետյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 10.02.2022թ-ին կայացված 8180107859 որոշումն անփոփոխ, իսկ վարչական բողոքն առանց բավարարման թողնելու մասին

<< 02 >> 03 2022թ.

ք.Երևան

ՀՀ ոստիկանության պարեկային ծառայության պետ, ոստիկանության գնդապետ Ա.Ումրշատյանս, վերանայելով Նարեկ Համբարյանի /Այսուհետ դիմող/ դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

10.02.2022թ. ժամը 21:25-ին Երևան քաղաքի Տերյան փողոցում քաղաքացի Նարեկ Համբարյանի վարած <<ՎԱԶ>> մակնիշի 37 GD 962 հաշվառման համարանիշի տրանսպորտային միջոցը կանգնեցվել է ՀՀ ոստիկանության պարեկային ծառայության Երևան քաղաքի գնդի 2-րդ գումարտակի 3-րդ վաշտի կրտսեր պարեկ Մերի Վառյանի կողմից՝ տրանսպորտային միջոցը առանց գործող ԱՊՊԱ պայմանագրի վարելու համար:

Վարորդի նկատմամբ կազմվել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 129.2-րդ հոդվածի 2-րդ մասի համաձայն, կայացվել է որոշում՝ վերջինիս 100.000 ՀՀ դրամի չափով տուգանելու մասին:

Դիմողը դիմումով խնդրել է անվավեր ճանաչել ՀՀ ոստիկանության պարեկային ծառայության վարչական իրավախախտման վերաբերյալ գործով 10.02.2022թ. կայացված թիվ 8180107859 որոշումը՝ նշելով, որ իր տրանսպորտային միջոցը ունեցել է ԱՊՊԱ պայմանագիր և իրեն տրված օրինակում որոշման կայացման ամսաթիվ նշված է „10.01.2022 թ., ինչպես նաև ներկայացրել է թիվ SQ464437 ԱՊՊԱ պայմանագրի լուսապատճենը:

Դիմողը ծանուցվել է վարչական լսում իրականացնելու օրվա և ժամի մասին, սակայն չի ներկայացել:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 10.02.2022թ. կայացված 8180107859 որոշումը ենթակա է կատարման հետևյալ պատճառաբանությամբ.

<<Ավտոտրանսպորտային միջոցների օգտագործումից բխող պատասխանատվության պարտադիր ապահովագրության մասին>> ՀՀ օրենքի 5-րդ հոդվածի 4-րդ մասի համաձայն՝ յուրաքանչյուր անձ պետք է մշտապես ունենա սեփականության իրավունքով իրեն պատկանող (ֆինանսական վարձակալության (լիզինգի) պայմանագրով իրեն տրամադրված) և Հայաստանի Հանրապետությունում հաշվառված յուրաքանչյուր ավտոտրանսպորտային միջոցի համար կնքված և գործող ԱՊՊԱ պայմանագիր: Արգելվում է իրավասու պետական մարմինների կողմից ԱՊՊԱ պայմանագիր չունեցող ավտոտրանսպորտային միջոցները վարելու միջոցով Հայաստանի Հանրապետության տարածք ներմուծում թույլատրելը:

<<Վարչական իրավախախտումների վերաբերյալ>> ՀՀ օրենսգրքի 129.2-րդ հոդվածի 2-րդ մասի համաձայն՝ առանց տվյալ տրանսպորտային միջոցի համար

կնքված ավտոտրանսպորտային միջոցի օգտագործումից բխող պատասխանատվության պարտադիր ապահովագրության գործող պայմանագիր ունենալու՝ Հայաստանի Հանրապետության տարածքում ընդհանուր օգտագործման ավտոմոբիլային ճանապարհներով տրանսպորտային միջոցը վարելը՝ առաջացնում է տուգանքի նշանակում՝ սահմանված նվազագույն աշխատավարձի հարյուրապատիկի չափով:

<<Հայաստանի ավտոապահովագրողների բյուրո>>-ի էլեկտրոնային կայքից կատարված քաղվածքի համաձայն՝ <<ՎԱԶ>> մակնիշի 37 GD 962 հաշվառման համարանիշի տրանսպորտային միջոցը 10.02.2022թ-ի ժամը 21:25-ի դրությամբ չի ունեցել գործող ԱՊՊԱ պայմանագիր:

Հայաստանի ավտոապահովագրողների բյուրոյի վերահսկողության և սպառողների շահերի պաշտպանության ծառայության աշխատակից, վերահսկող Սարգիս Խաչատրյանի կողմից տրված տեղեկատվության համաձայն՝ <<ՎԱԶ>> մակնիշի 37 GD 962 հաշվառման համարանիշի տրանսպորտային միջոցը 10.02.2022թ-ի ժամը 21:25-ի դրությամբ չի ունեցել գործող ԱՊՊԱ պայմանագիր և ԱՊՊԱ պայմանագիր ունեցել է 10.02.2022 թվականի ժամը 21:29-ի դրությամբ:

Վարչական իրավախախտման վերաբերյալ 10.02.2022-ին կազմված արձանագրության և թիվ 8180107859 որոշման ուսումնասիրությամբ պարզվել է, որ դիմողը 10.02.2022թ. ժամը 21:25-ին Երևան քաղաքի Տերյան փողոցում վարել է <<ՎԱԶ>> մակնիշի 37 GD 962 հաշվառման համարանիշի տրանսպորտային միջոցը՝ առանց ԱՊՊԱ պայմանագրի:

Վարչական իրավախախտման վերաբերյալ կազմված արձանագրության և դրան կից կայացված որոշման օրինակում դրանց կայացման ամսաթիվ նշված է 10.02.2022 թ.:

ԹԻՎ SQ464437 ԱՊՊԱ պայմանագրի լուսապատճենի ուսումնասիրությամբ պարզվել է, որ նշյալ պայմանագրի ժամկետի սկիզբ նշված է „10.02.2022 թ ժամը 21:29,,::

Վարչական իրավախախտման վերաբերյալ 10.02.2022-ին կազմված արձանագրությունը համապատասխանում է ՎԻՎՕ 255-րդ հոդվածի՝ վարչական իրավախախտման վերաբերյալ արձանագրությանը ներկայացվող պահանջներին, օրինաչափ է:

Վարչական իրավախախտման գործով թիվ 8180107859 որոշումը նույնպես համապատասխանում է ՎԻՎՕ 281-րդ հոդվածի՝ վարչական իրավախախտման գործի վերաբերյալ որոշմանը ներկայացվող պահանջներին, օրինաչափ է:

Այսպիսով, դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 129.2 հոդվածի 2-րդ մասի հատկանիշները, ուստի ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 10.02.2022թ. կայացված 8180107859 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Նարեկ Համբարյանին և ՀՀ ոստիկանության պարեկային ծառայության Երևան քաղաքի գունդ:

Պետ, ոստիկանության գնդապետ

Ա.Ումրշատյան

